

**1108**

Na osnovu člana 16. i člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 70. stav (2) Zakona o porezu na dodanu vrijednost ("Službeni glasnik BiH", br. 9/05, 35/05, 100/08 i 33/17), te člana 19. Uputstva o registraciji korisnika elektronskih usluga Uprave za indirektno oporezivanje ("Službeni glasnik BiH", broj 85/17), direktor Uprave za indirektno oporezivanje donosi

**UPUTSTVO****O PODNOŠENJU IZVJEŠTAJA O POSEBNOJ ŠEMI U GRAĐEVINARSTVU ELEKTRONSKIM PUTEM****GLAVA I. OPĆE ODREDBE**

## Član 1.

(Predmet)

Ovim Uputstvom propisuje se postupak podnošenja Izvještaja o posebnoj šemi u građevinarstvu elektronskim putem, određuje se ko može podnijeti Izvještaj o posebnoj šemi u građevinarstvu elektronskim putem, prava i obaveze obveznika indirektnih poreza (u daljnjem tekstu: obveznik) i Uprave za indirektno oporezivanje (u daljnjem tekstu: UIO) u vezi sa podnošenjem Izvještaja o posebnoj šemi u građevinarstvu elektronskim putem.

## Član 2.

(Definicije)

U smislu ovog Uputstva sljedeći pojmovi podrazumijevaju:

- Pod pojmom "obveznik" podrazumijeva se registrirani obveznik koji je u Jedinstveni registar obveznika indirektnih poreza upisan po osnovu poreza na dodanu vrijednost i koji je registrirao korisnika elektronskih usluga UIO, na način propisan odredbama Uputstva o registraciji korisnika elektronskih usluga UIO,
- Pod pojmom "e-portal UIO" podrazumijeva se servis za korištenje elektronskih usluga koje pruža UIO,
- Pod pojmom "Izvještaj o posebnoj šemi u građevinarstvu" (u daljnjem tekstu: Izvještaj) podrazumijeva se obrazac koji se podnosi uz prijavu za porez na dodanu vrijednost (u daljnjem tekstu: PDV prijava) i sadrži podatke o zaduženju i obavezi plaćanja poreza na dodanu vrijednost (u daljnjem tekstu: PDV) u vezi sa primjenom odredbi glave XII Zakona o porezu na dodanu vrijednost (u daljnjem tekstu: Zakon o PDV-u),
- Pod pojmom "e-izvještaj o posebnoj šemi u građevinarstvu" (u daljnjem tekstu: e-izvještaj) podrazumijeva se Izvještaj o posebnoj šemi u građevinarstvu podnesen elektronski putem e-portala UIO,
- Pod pojmom "primarni korisnik elektronskih usluga UIO" (u daljnjem tekstu: primarni korisnik) podrazumijeva se odgovorno lice obveznika, registrirano na način propisan odredbama Uputstva o registraciji korisnika elektronskih usluga UIO,
- Pod pojmom "sekundarni korisnik elektronskih usluga UIO" (u daljnjem tekstu: sekundarni korisnik) podrazumijeva se fizičko lice koje imenuje primarni korisnik, registrirano na način propisan odredbama Uputstva o registraciji korisnika elektronskih usluga UIO.

**GLAVA II. POSEBNA ŠEMA U GRAĐEVINARSTVU**

## Član 3.

(Posebna šema u građevinarstvu)

- Posebna šema u građevinarstvu se odnosi na građevinske radove na izgradnji novih zgrada, kao i radove na renoviranju, proširivanju i održavanju postojećih zgrada, čija ukupna vrijednost prelazi iznos od 25.000 KM.
- Posebna šema iz stava (1) ovog člana se odnosi na izvođača radova i kooperanta.

## Član 4.

(Lica u posebnoj šemi u građevinarstvu)

- Investitor je lice koje finansira građevinske radove na nepokretnoj imovini.
- Izvođač radova je registrirani obveznik PDV-a koji je neposredno zaključio ugovor sa investitorom, o građevinskim radovima na nepokretnoj imovini.
- Izvođač radova iz stava (2) ovog člana mora imati korisnika elektronskih usluga UIO registriranog na način propisan odredbama Uputstva o registraciji korisnika elektronskih usluga UIO.
- Kooperant je registrirani obveznik PDV-a koji izvođaču radova isporučuje dobra za potrebe izvođenja građevinskih radova na nepokretnoj imovini i sam pruža usluge koje su u vezi sa isporučenim dobrima i na taj način utiče na izvođenje građevinskih radova.

**GLAVA III. E-IZVJEŠTAJ**

## Član 5.

(Podnošenje e-izvještaja)

- Izvođač radova, na kojeg je prenjeta obaveza plaćanja PDV-a koji mu je obračunao kooperant, suglasno članu 41. stav (1) Zakona o PDV-u, dužan je za tako plaćeni PDV podnijeti Izvještaj UIO.
- Nakon registracije korisnika elektronskih usluga UIO, izvođač radova može podnositi e-izvještaj.
- Nakon što izvođač radova prvi put podnese e-izvještaj, obavezan je sve naredne Izvještaje o posebnoj šemi u građevinarstvu podnositi isključivo elektronskim putem.
- Izvođač radova je dužan e-izvještaj podnositi UIO od poreznog perioda januar 2019. godine.

## Član 6.

(Lice ovlašteno za podnošenje e-izvještaja)

- E-izvještaj podnosi izvođač radova, putem svog primarnog ili sekundarnog korisnika.

**GLAVA IV. POSTUPAK PODNOŠENJA E-IZVJEŠTAJA**

## Član 7.

(Postupak podnošenja e-izvještaja)

- Izvođač radova podnosi e-izvještaj popunjavanjem elektronskog obrasca dostupnog na e-portalu UIO.
- E-izvještaj se podnosi na obrascu "Izvještaj o posebnoj šemi u građevinarstvu", koji se nalazi u prilogu ovog Uputstva i njegov je sastavni dio.
- Obveznik je dužan podnijeti e-izvještaj u roku propisanom odredbama propisa iz oblasti indirektnog oporezivanja.
- E-izvještaj podnesen od strane registriranog primarnog ili sekundarnog korisnika za obveznika, ima istu pravnu snagu kao "Izvještaj obveznika PDV izvođača radova koji je u posebnoj šemi u građevinarstvu" podnesen u papirnoj formi.
- Izvođač radova može podnijeti e-izvještaj za porezni period najranije prvog dana po isteku poreznog perioda za koji podnosi e-izvještaj.
- E-izvještaj smatra se podnesenim, kada je evidentiran u bazi podataka e-portala UIO.

## Član 8.

(Obavještenje o prijemu)

- (1) UIO primarnom i/ili sekundarnom korisniku za obveznika - izvođača radova i kooperanta, elektronskim putem, dostavlja obavještenje o prijemu e-izvještaja sa podacima o vremenu evidentiranja e-izvještaja u bazi podataka e-portala UIO.
- (2) UIO primarnom i/ili sekundarnom korisniku za obveznika - izvođača radova i kooperanta, elektronskim putem, dostavlja obavještenje o nemogućnosti učitavanja podataka sadržanih u e-izvještaju u bazi podataka e-portala UIO.
- (3) Obavještenje iz stava (1) i (2) ovog člana dostavlja se automatski, putem e-portala UIO.
- (4) Za obavještenja iz stava (3) ovog člana relevantno je vrijeme evidentirano u bazi podataka e-portala UIO.

**GLAVA V. PRAVA I OBAVEZE**

## Član 9.

(Odnos prema drugim propisima)

Prava i obaveze obveznika, u vezi sa posebnom šemom za naplatu PDV-a na promet povezan sa građevinskim radovima, propisane su odredbama članova 40. - 43. Zakona o porezu na dodanu vrijednost ("Službeni glasnik BiH", br. 9/05, 35/06, 100/08 i 33/17), odredbama članova 80. - 82. Pravilnika o primjeni Zakona o porezu na dodanu vrijednost ("Službeni glasnik BiH", br. 93/05, 21/06, 60/06, 06/07, 100/07, 35/08, 65/10 i 85/17) i odredbama Pravilnika o uplaćivanju indirektnih poreza i ostalih prihoda i taksu koje naplaćuje UIO ("Službeni glasnik BiH", broj 4/18).

## Član 10.

(Prava i obaveze obveznika)

- (1) Prava i obaveze obveznika, u vezi sa korištenjem elektronskih usluga UIO i podnošenjem e-izvještaja su propisane Uputstvom o registraciji korisnika elektronskih usluga UIO.
- (2) Obveznik - izvođač radova i kooperant ima pravo da bude upoznat sa statusom postupka podnošenja e-izvještaja.
- (3) Obveznik - izvođač radova podnosi e-izvještaj pod uvjetima i na način propisan odredbama propisa navedenih u članu 9. ovog Uputstva.

- (4) Obveznik - izvođač radova je odgovoran za tačnost i potpunost podataka iskazanih u e-izvještaju.

## Član 11.

(Obaveze UIO)

- (1) UIO je obavezna da primarnom i/ili sekundarnom korisniku za obveznika - izvođača radova i kooperanta potvrdi prijem e-izvještaja.
- (2) UIO je obavezna da elektronskim putem primarnog i/ili sekundarnog korisnika za obveznika - izvođača radova i kooperanta obavijesti o nemogućnosti učitavanja podataka sadržanih u e-izvještaju.
- (3) UIO je obavezna da se stara o povjerljivosti podataka sadržanih u podnesenom e-izvještaju.

**GLAVA VI. ZAVRŠNE ODREDBE**

## Član 12.

(Sastavni dio Uputstva)

Sastavni dio ovog Uputstva čini obrazac "Izvještaj o posebnoj šemi u građevinarstvu", iz člana 7. stav (2) ovog Uputstva.

## Član 13.

(Tehničko uputstvo)

UIO će, u skladu sa odredbama ovog Uputstva, sačiniti Tehničko uputstvo za korisnike e-portala UIO, u vezi sa podnošenjem Izvještaja o posebnoj šemi u građevinarstvu elektronskim putem.

## Član 14.

(Prestanak primjene propisa)

Danom stupanja na snagu ovog Uputstva prestaje primjena odredbi Glave III. Instrukcije o postupanju pri podnošenju PDV prijave primaoca usluga od lica koje nema sjedište u BiH i lica u posebnoj šemi u građevinarstvu broj 02-983/07 od 14.03.2007. godine ("Službeni glasnik BiH", broj 24/07).

## Član 15.

(Stupanje na snagu i primjena)

Ovo Uputstvo stupa na snagu osmog dana od dana objavljivanja u "Službenom glasniku BiH".

Broj 01-02-2-2072-1/18

08. novembra 2018. godine

Direktor

Dr. Miro Džakula, s. r.

## Novi izvještaj

Datum dokumenta

Period

JIB kooperanta

Naziv kooperanta

Iznos

Napomene

Validiraj obrazac

Sačuvaj